

Islamski Magazin za sestre

Muslimah

Izdvajamo:

Da li Ga zaista voliš?

“Gospodar je tvoj pčelu nadahnuo”

Potvora i skrnavljenje časti muslimana I dio

Sadržaj



Primjer Ibahima alejhisselam	3
Savjeti za islamski odgoj	4
Stiskanje nebesa i zemlje	6
Hadisi	7
Koraci ka Allahu	8
Izreke ispravnih predhodnika	9
Misvak	10
Za razmišljanje	12
Šminka uspješne žene V dio	13
Potvora i skrnavljenje časti muslimana, I dio	15
Gospodar je tvoj pčelu nadanhuo	17
Da li Ga zaista voliš?	18
Spremamo li se za Ramazan?	20
Stihovi	21
Recepti	22
Reklame	23



Primjer Ibrahima alejhissem

Ibn El Kajjim, rahimehullah, kaže: "Ljubav prema dobru ne može biti ispravna ukoliko nije paralelna sa mržnjom prema zlu, kao što Uzvišeni kaže da je Ibrahim, vođa svih monoteista koji vole svog Gospodara, rekao svom narodu:

"A da li ste razmišljali," upita on, "da su oni, koje vi obožavate, i koje su obožavali davni preci vaši, neprijatelji moji? Ali, to nije Gospodar svjetova."

(Eš- Šuara, 75-77)

Iz toga se jasno vidi da ova ljubav i prijateljstvo Allahovog prijatelja (Halilullah) ne bi bilo ispravno da nije njegovog neprijateljstva (prema širku). Jer, nema ispravne ljubavi osim one koja je u ime Allaha, a koja je upotpunjena sa mržnjom prema drugim božanstvima. Uzvišeni veli:

"A kada Ibrahim reče ocu svome i narodu svome: 'Nemam ja ništa s onima kojima se vi klanjate; ja se klanjam samo Onome koji me je stvorio, jer će mi On, doista, na pravi put ukazati.' On učini riječi tevhida trajnim za potomstvo svoje, da bi se dozvali."

(Ez-Zuhruf, 26-28)

To jest, učinio je ovu ljubav prema Allahu i mržnju prema lažnim božanstvima trajnom riječju koju će nasljeđivati vjerovjesnici i njihovi sljedbenici sa koljena na koljeno, a ta riječ je: "la ilahe illallah." Ibrahim, vođa monoteista, ostavio je u nasljeđe svojim sljedbenicima sve do Sudnjeg dana." (El-Dževabul-kafi, str. 300-301)

Uzvišeni Allah veli

"I napustit ću i vas i sve one kojima se mimo Allaha molite i molit ću Gospodara svoga; nadam se da neću biti nesretan u molitvi Gospodaru mome." I pošto napusti njih i one kojima su se, mimo Allaha obožavali, Mi mu Ishaka i Jakuba darovavimo, i obojicu vjerovjesnicima učinismo." (Merjem, 48-49)

Ibn Kesir, rahimehullah, kaže: **"I napustit ću i vas i sve one kojima se mimo Allaha molite i molit ću se samo Gospodaru svome,"** tj. ja ostavljam i napuštam vas i vaša božanstva, koja mimo Allaha, subhanehu ve te'ala, obožavate; **"...I molit ću se Gospodaru svome,"** tj. ja samo Njemu robujem i ne činim Mu širk. **"Nadam se da neću biti nesretan u molitvi Gospodaru mome,"** tj. ovdje riječ 'asa (nadam se) znači nužnost. Jer, on je, bez sumnje, prvak među vjerovjesnicima nakon Muhammeda, sallallahu alejhi ve sellem, ali se ovako izrazio iz poniznosti prema Allahu, subhanehu ve te ala. Pošto je El-Halil, alejhisselam, napusito oca i svoj narod radi Allaha, subhanehu ve te ala, data mu je bolja i ljepša nadoknada od njih – dobio je potomke: sina Ishaka i unuka Jakuba. Uzvišeni kaže u drugom ajetu:

"...I poklonismo mu Ishaka i Jakuba kao unuka, i sve ih učinismo dobrim." (El-Enbija, 72)
(Tefsirul-Kur'anil-Azim, 3/123-124)

Savjeti za islamski odgoj

Proces islamskog odgoja predstavlja razvoj čovjeka kao osobe na način da su svi ovi aspekti prisutni u harmoniji, nadopunjujući jedni druge. Islamski odgoj čovjeku pruža mogućnost da iskoristi sve svoje potencijale i mogućnosti sa krajnjim ciljem: Udovoljiti Allahu, Subhanehu ve Te'ala, Stvoritelju. Ovaj plemeniti cilj nosi svoje plodove: Ostvarenje sreće i uspjeha u ovom životu i na ahiretu.



Proces odgoja počinje od samog rođenja djeteta. Djeca se radjaju u čistoj fitri, njihova priroda je poput neispisanog papira. Zato su prve godine života vrlo bitne za odgoj. Koje god navike dobre ili loše dijete stekne u svome djetinjstvu, usljed uticaja roditelja i okoline, to ima veliki uticaj na njegov daljnji razvoj, njegov moral i njegove karakterne osobine. Pružanje djeci ispravnog i lijepog islamskog odgoja zahtijeva dosta truda i sabura. Razvoj samih roditelja kao vjernika, njihov taqvaluk, sabur i druge vjerničke osobine u mnogome će se odraziti na odgoj,

Napisana su mnoga djela koja se bave metodologijom islamskog odgoja; u njima se nalaze na stotine lijepih savjeta roditeljima. Za ovaj broj lista Muslimah smo pripremili nekoliko tih savjeta, za koje se nadamo da ćemo se inšAllah okoristiti:

1. Prva hrana za dijete jeste majčino mlijeko. Sama činjenica da Allah, Tebareke ve Te'ala, spominje značaj dojenja, samo po sebi je već dovoljan dokaz o važnosti dojenja djece. Uz ovo je vrlo bitno napomenuti da majka treba konzumirati zdravu-halal hranu;
2. Djeca muslimana moraju nositi zastavu hrabrosti tokom svog života. Oni trebaju biti podučeni da budu hrabri i odvažni, kako su to svoju djecu podučavali ashabi Allahovog Poslanika, sallallahu alejhi ve sellem. Ponekad imamo naviku da plašimo djecu mrakom, doktorom i drugim stvarima. To se treba izbjegavati jer se time razvija kukavičluk;
3. Kao što biljka truhne zbog prekomjerne vode, tako se djeca vrlo lahko razmaze kada im se sve udovoljava i daje. Djeca trebaju u djetinjstvu da nauče da nekada ne mogu dobiti neku stvar. Isto tako djecu treba rano navikavati da pojmove „Halal“ i „Haram“, tako da razviju osjećaj za nešto što nam je Uzvišeni Allah dozvolio i zabranio. Isto tako je bitno objasniti im da su zabrane dobro po nas i da nam je Allah zabranio samo stvari koje su loše, a da su na drugu stranu sve dozvoljene stvari dobre za nas.

Ako djetetu nešto objasnimo da je haram onda se moramo i sami čuvati od tog harama jer djeca nekada opažaju stvari mnogo brže nego što mi to mislimo;

4. Djeca su po prirodi sebična. Pokušajmo kod njih steći naviku da dijele, u početku sa roditeljima, bratom/sestrom a kasnije i sa ostalim muslimanima. Pričajmo im o stanju druge djece za koje znamo da žive teško i dajmo im prijedlog da nekada pošalju svoju igračku, odjeću ili pak dio novca kojeg su uštedjeli. Pratimo momenat kada će djeca sama doći na ideju o pomoći. Većoj djeci čitajmo ajete i hadise koji govore o davanju na Allahovom, Tebareke ve Te'ala, putu. Pričajmo im i čitajmo priče u kojima se govori o dijeljenju, bratstvu, bratskoj ljubavi i pomaganju.
5. Prijatelji imaju veliki udio u odgoju. Držite djecu podalje od onih koji imaju loš ahlak. Sjetimo se hadisa Allahovog Poslanika, sallallahu alejhi ve sellem: „Čovjek je na vjeri svoga prijatelja“;
6. Bespotrebna ljutnja, laži, zavidnost, svadjanje, tvrdoglavost, pretjerano smijanje su sve opasne karakteristike. Ako to primjetimo kod djeteta, upozorimo ga lijep način. Probajmo i sami izbjegavati navedeno, jer jedno govoriti a drugo raditi može dovesti do konfuzije kod djece. Kako onda da očekujemo da naša djeca nešto izbjegavaju kada i sami to radimo u njihovom prisustvu;
7. Nakon ukora nemojmo požuriti da odmah mazimo naše djete, jer će time i sam ukor izgubiti svoju težinu;
8. Podstičimo našu djecu na namaz i pričajmo sa njima o tom ibadetu i tome ako su svi naši ibadeti posvećeni samo Allahu. Ako nam se djete pohvali da je obavilo namaz, nagradimo ga toplim smijehom, ali ga podsjetimo da ono ibadete obavlja radi Allaha. Pričajmo našoj djeci koiko je bitan nijet u našem životu;
9. Učimo naše djete da uči Kur'an. Život jednog vjernika je nezamisliv bez svakodnevnog učenja Kur'ana;
10. Pazimo koje knjige čitaju naša djeca. Pazimo dobro koje internet-stranice naše djete posjećuje. Instalirajmo neke programe koji blokiraju nemoralne stranice;
11. Pazimo takodje koliko vremena naša djeca provode u igranju i igricama na npr. pc-u;
19. Trudimo se da djeca steknu radne navike. Učimo ih da pospreme svoje igračke, svoj krevet, svoju odjeću i sl. Nesticanje radnih navika može dovesti do ljenosti;
20. Podstičimo našu djecu da svoja djela počinju sa bismilom, podstičimo ih na učenje i praktikovanje dova Allahovog Poslanika, sallallahu alejhi ve sellem.

6. Stiskanje (smotavanje) nebesa i Zemlje

Zatim će Moćni Allah stisnuti svojom desnicom nebesa a drugom rukom Zemlju pa će reći:

"Ja sam Gospodar. Gdje su silnici? Gdje su oni koji su se oholili?"

Allah dž.š. kaže: "Oni (mušrici) nisu istinski procijenili moć Allahovu. Čitava zemlja će na Sudnjem danu biti u zahvatu Njegove šake, a nebesa smotana u njegovoj desnici. Hvaljen neka je On i vrlo visoko iznad onih koje Njemu smatraju ravnim."

(Ez Zumer, 67)

Kaže Uzvišeni:

"Onoga dana kad smotamo nebesa kao što se smota list papira za pisanje. Onako kako smo prvi put iz ništa stvorili, tako ćemo ponovo iz ništa stvoriti, - to je obećanje Naše, Mi smo doista kadri to učiniti." (El Enbija, 104)

Prenosi se od Ebu Hurejre radijallahu anhu, da je Resulullah sallallahu alejhi ve sellem, rekao:

Allah subhanehu ve te ala, će u šaci Zemlju stisnuti, a desnicom će svojom nebesa smotati pa će reći: "Ja sam Gospodar, pa gdje su zemljaski vladari?" (Mutefekun alejhi)

Prenosi se od Abdullaha ibn Omera radijallahu anhu, da je Resulullah sallallahu alejhi ve sellem, rekao:

"Allah subhanehu ve te ala će na Sudnjem danu smotati nebesa, zatim će ih uzeti u desnicu i reći: "Ja sam Vladar, gdje su silnici? Gdje su oholi? Zatim će ljevicom Zemlju smotati i reći: "Ja sam Vladar. Gdje su silni? Gdje su oholi?" (Muslim)

Pripremila sestra Aiša



“Rekao je Allahov Poslanik,
sallallahu alejhi ve sellem:
Najbolja je dostatna nafaka, a
najbolji je skriveni zikr.”
(Ahmed, 1/172 i
Medžmeuz-zeva'd, 10/81)

“Odricanje od ovoga svijeta odmara srce i
tijelo, a želja za ovim svijetom produbljuje
brige i tugu.” (Medžmeuz-zeva'd, 10/286 i
Et-Terbium vet-terhibu, 4/157)

*“Ko učini svu svoju brigu jednom
brigom, Allah će ga zaštititi od ostalih
briga
a čije se brige razdijele na ovosvjetske
stvari, Allahu će biti svejedno na kojem
će dijelu zemlje propasti.”*

*(Ibn Madždže, 4106 i lthaful-ešraf,
1/78)*



Jedna od koristi obaranja pogleda

Ko odobri pogled da ne gleda ono što je Allah, subhanehu ve te ala, zabranio, On mu nadoknadi boljim. Ko svjetlu svojih očiju ne dopusti da se upravi prema onome što je zabranjeno, Allah mu podari svjetlo u njegovom razboru i srcu, te vidi ono što ne mogu vidjeti oni što gledaju stvari koje je Allah Uzvišeni zabranio gledati. To je nešto što čovjek osjeti svojom dušom. Srce je kao ogledalo, a strast kao hrdja na njemu. Ukoliko je ogledalo čisto od hrdje, u njemu se prilike pojavljuju onakvim kakve uistinu jesu.

Ukoliko je pak ogledalo zahrđalo, onda se u njemu slike ne odslikavaju valjano, te ono onome što se u njemu ogleda govori samo površno i nudi čovjeku da naslućuje.



copyright © 2007 Bill Frymire

Koraci ka Allahu

O ti koji se spremaš na put prema Allahu i posljednjoj kući, barjak je podignut. Kreni, jer je vrijeme za to. Neka tvoje kretanje bude razmatranje Njegovih darova i tvojih mahana, djela i podbacivanja.

Prizor blagodati i grijeha pametnom čovjeku ne ostavlja prostor za razmišljanje o spasenju od Vatre. Spas je jedino u Njegovom oprost. Svako od toga zavisi. Vraćam Ti se s blagodatima koje si mi dao. Priznajem da sam griješio i oprosti mi. Ja sam siroti grešnik, a ti si Milostivi i Onaj Koji oprašta. Tvoja djela, makar bila ispravna, nisu vrijedna jedne blagodati koja je propraćena pravom zahvalnošću. Jesi li te blagodati pravilno koristio, a bile su ti date na upotrebu i rukovanje? Veži se za uže nade, uđi na vrata tewbe i dobrih djela. On mnogo prašta i blagodaran je.

Zacrtao je ljudima put spasa i ostavio ga otvorenim za sve. Upoznao je čovjeka s putevima sreće i dao mu šansu da njima hoda. Upozorio ga je na opasnost grijeha i pozvao ga kao svjedoka za sebe i druge da je to ružno i kažnjivo. Rekao mu je: "Ako si pokoran, to je Mojom milošću i Ja sam blagodaran. Ako si nepokoran, to je Mojom odredbom i Ja opraštam."

Doista je naš Gospodar milostiv i blagodaran.

Hasan el Basri, rahimahullah, je rekao:
Ne sjedi sa onima koji se povode za novotarijama i
za svojim prohtjevima, nemoj se prepirati sa njima,
i nemoj ih slušati.

Sunnen ed Darimi 1/121

Abdullah ibn Mes'ud, radijallahu anhu, rekao je:
"Nema stvari koja više zaslužuje da bude
zarobljena od jezika."
Kitab El-Azkar - Imam En-Nevevi

Ibnul-Kajjim, rahimehullah, je rekao:
"Pokvareni učenjaci, oni sjede kod
vrata Dženneta i pozivaju ljude u njega
svojim riječima, dok ih svojim djelima
pozivaju u Džehennem. Svaki put kada
kažu ljudima: "Dodjte nama!", njihova
djela kažu: "Ne slušajte ih, jer da je
istina ono u što vas pozivaju oni bi bili
prvi koji bi to uradili." Znači, ti ljudi,
na prvi pogled, liče na pobožnjake, ali
su u stvarnosti kriminalci." (El-Favaid)

Sevban, radijallahu anhu, je rekao: „Blago li
se onome ko vlada svojim jezikom, kome je
njegova kuća dovoljna, i koji nad grijehom
svojim plače!" (Taberani)

Misvak



Prednosti Misvaka:

1. Misvak jača desni i sprječava karijes.
2. Misvak pomaže u uklanjanju zubobolje i sprečava daljnje povećanje propadanja koji se već razvio.
3. Misvak stvara miris u ustima.
4. Misvak je lijek za bolest.
5. Misvak uklanja neugodne mirise i poboljšava osjećaj okusa.
6. Misvak izoštrava pamćenje.
7. Misvak je lijek za glavobolje.
8. Misvak stvara sjaj (Nur) na licu onoga ko ga neprestano koristi.
9. Misvak uzrokuje sjaj zubi.
10. Misvak jača vid.
11. Misvak pomaže u probavi.
12. Misvak čisti glas.
13. Najveća korist u korištenju misvaka je zadobivanje Allahovog zadovoljstva.

14. Nagrada namaza (molitve) se uvećava za 70 puta, ako je misvak korišten prije.

Vremena kada je korištenje misvaka sunnet:

1. Za vrijeme učenja Kur'ana,
2. Za vrijeme čitanja hadisa,
3. Kada se u ustima osjeti neugodan miris,
4. Za vrijeme učenja o Islamu,
5. Tokom zikra,
6. Nakon ulaska u kuću,
7. Prije ulaska na bilo kakvo sijelo,
8. Kada se pojavljuju bolovi od gladi i žeđi,
9. Nakon očiglednih znakova smrti,
10. U vrijeme Sehri,
11. Prije jela,
12. Prije poduzimanja putovanja,
13. Na povratku sa puta,
14. Prije spavanja, i
15. Nakon buđenja.



Adabi mivaka:

- (1) Misvak treba biti ravna grančica, bez grubosti.
- (2) Misvak treba biti čist.
- (3) Misvak ne bi trebao biti previše tvrd, niti previše mekan.
- (4) Misvak ne bi trebao biti korišten u ležećem položaju.
- (5) Novi Misvak bi trebao biti oko 8 inča (pedalj) u dužini.
- (6) Misvak bi trebao biti debljine kažiprsta.
- (7) Misvak treba oprati prije upotrebe.
- (8) Nakon upotrebe treba ga oprati.
- (9) Misvak se ne bi trebao sisati.
- (10) Misvak bi trebao biti postavljen vertikalno kada se ne koristi. Ne bi trebao biti bačen na pod.
- (11) Ako je Misvak suh treba ga navlažiti vodom prije uporabe. To je Mustahab. Poželjno je da ga navlažite s vodom od ruže.
- (12) Misvak ne bi trebao biti korišten u WC-u.
- (13) Misvak treba koristiti najmanje tri puta (tri puta četkom) za svaki dio usta, npr. četka gornji sloj zuba triput, zatim donji sloj tri puta, itd.
- (14) Misvak se ne bi trebao koristiti na oba kraja.
- (15) Misvak se ne bi trebao uzimati iz nepoznatog stabla jer može biti otrovan.

**MISVAK DRVO**

Ebu Ejjub radiAllahu anhu prenosi da je Poslanik

sallallahu Alejhi ve sellam rekao:

"Četiri stvari su praksa Poslanika:

obrezivanje, primjena parfema, misvak i brak."

(Ahmed i Tirmizi)

O Ti za koga je vezana sva moja nada

Pa, šta se tek može misliti o Onome Koji je milostiviji prema Svome robu od oca prema svome sinu, od majke prema svome djetetu, kad neki rob pobjegne k Njemu, utekne Njemu od svoga neprijatelja i baci se pred Njegova vrata, zagnjuri lice u tle pred Njegovim pragom, plačući pred Njim, govoreći: „Gospodaru, Gospodaru! Smiluj se onome kome se nema ko drugi smilovati, koji osim Tebe nema drugog pomagača, kome nema niko drugi pružiti utočište osim Tebe, kome se nema ko drugi odazvati do Ti! Ja sam Tvoj siromašak, Tvoj siromah, koji samo Tebe trazi, samo za Tebe veze svoje nade i očekivanja; koji nema drugog utočišta, kome nema spasa od Tebe doli kod Tebe. Ti si mu sva nada i sva zaštita njegova!“

„O Ti za koga je vezana sva moja nada,
Kome se utječem od sveg od čeg se strada!
Ljudi ne mogu sastaviti kost koju Ti slomiš,
niti slomiti onu koju Ti spojiš!“

Stvar koja kvari srce

To je ploviti morem pustih želja, koje nema obale.

U to more uplovljavaju samo propalice ovog svijeta, kao sto se kaže: „Pusta želja jeste glavica imetka propalica.“ Oprema koju putnici na tom putu posjeduju jesu samo lažna sejtanova obećanja, iluzije i izmišljotine. Valovi lažnih nada i propalih iluzija zapljuskuju putnike i poigravaju se s njima kao što se psi poigravaju s lešinom.

Lažna nada jeste jedino što posjeduje svaka sramotna podla i niska duša, nefis. Ona nema nikakav viši cilj pomoću kojeg bi spoznala istinu, i zadovoljila se pustim nadanjima.

Osoba s višim ciljem posjeduje ambicije i želje koje su vezane za nauku i vjerovanje, iman, te za djelo koje će je približiti Allahu kako bi boravila u Njegovoj blizini. Njene su želje vjerovanje, svjetlost i mudrost, dok su želje ranije navedenih, varke i laži.



Držanje za Allahovo uže

Traženje utočišta kod Allaha znači pouzdanje u Njega, traženje zaštite i utočišta kod Njega, traženje da robu bude zaštitnik i čuvar, te da ga učini „nepristupačnim“ i odbrani ga. A plod pridržavanja za Njega jeste odbrana roba. Allah brani one koji vjeruju, tako da od Svog roba vjernika, kada on zaštitu od Njega zatraži, udaljava svaku stazu koja vodi pokvarenosti i od nje ga štiti. Brani ga od sumnji i požuda, čuva ga od zamki njegovih javnih i tajnih neprijatelja i od zla njega samoga. Čuva ga od pokretača uzročnika zla nakon što se oni ostvare i to onoliko koliko je jako i čvrsto pridržavanje za Njega, nakon čega se uzročnici zla gube. Štiti ga od njihovih pokretača i povoda. Štiti ga od Svoje preodređenosti Svojom preodređenošću, od Svoje volje Svojom voljom i daje mu zaštitu Sobom od Sebe.



ŠMINKA USPJEŠNE ŽENE V dio

Ona je poslušna

Svemogući Allah naglašava da žena treba biti pokorna svome mužu, pa kaže:

“Muškarci su zaštitnici žena i vode brigu o njima, zato što je Allah dao prednost jednima nad drugima i zato što oni troše imetke svoje. Zbog toga su čestite žene poslušne i za vrijeme muževljeva odsustva vode brigu o onome o čemu trebaju brigu voditi, jer i Allah njih štiti...”

(En-Nisa, 4:34)

Koliko je bitna pokornost žene spram njenog supruga najbolje će ilustrirati hadis Allahovog Poslanika, sallallahu alejhi ve sellem, u predaji Ebu Hurejre, radijallahu anhu: *“Kada bih ikome naredio da učini sedždu drugome, naredio bih ženi da učini sedždu svome mužu!”*

Sve smo mi, pre ili kasnije, čule za gore spomenutu stvar, ali nažalost ova tema je često praćena negativnim osećanjima. Često neki muškarci ekstremno shvataju tu svoju privilegiju i sugerišu da je njima dozvoljeno da slobodno naređuju svojim ženama, kao što bi robovima, bez obzira na njihova osjećanja. S druge strane, imamo one koji vjeruju da je ovaj koncept deo tradicionalnog, zastarelog načina života i da je neprikladan za naše društvo. Zbog toga je izuzetno važno da budemo pažljive pri odabiru svog bračnog druga. Kao žene, mi smo obavezne da ispunjavamo zahtjeve svojih muževa najbolje što možemo, pod uslovom da se ne upuštamo u haram. Ako stalno imamo Allaha i svoju vjeru na umu, iskusićemo insha`Allah, uzajamno zadovoljstvo onih brakova gdje ekstremne mjere nisu prisutne. U slučaju da smo pogrešno shvatile karakter naših supružnika ili se on tokom vremena drastično promjenio, a mi smo i dalje poslušne Allaha radi, ne samo da ćemo stjeći nagradu kod Allaha, već ćemo i najvjerojatnije vremenom imati pozitivan uticaj na supružnika.

Ona prašta:

Allah, Tebareke ve Te'ala, kaže:

**“...I ti ćeš kod njih, osim malo njih,
neprestalno na vjerolomstvo nailaziti, ali im oprosti i ne karaj ih!**

Allah, uistinu, voli one koji čine dobro.”

(Al-Ma'ida, 13)

I kaže, Uzvišeni:

**"Nepravda se može uzvratiti istom mjerom,
a onoga koji oprost i izmiri se Allah će nagraditi;**

On, uistinu, ne voli one koji nepravdu čine"

(Aš-Šura, 40)

Budući da niko od nas nije savršen, trebamo uvijek biti spremne da oprostimo. Nakon što dođe do neslaganja, svaka strana smatra da je imala pravo da izrazi svoje mišljenje. Ako sagledamo naše živote nešto većom slikom, vidjećemo da se za nekoliko godina nećemo sjećati većine nesporazuma koje smo imali. Veoma je važno sa svojim supružnikom izgraditi jak odnos ljubavi, kako bismo što bolje sarađivali u podizanju djece i zajedno se suočavali sa problemima ovoga života. Mnogo je bolje za odnos, bez obzira na to ko je u pravu, zaboraviti na grešku i halaliti osobi sa kojom nameravate provesti ostatak života. Allah Uzvišeni je bezbroj puta ukazao Svoju vječnu ljubav prema nama, a među Njegovim poklonima su i mnogi putevi do oprostaja. Nastojte da stalno održavate svoja srca mehkim, tako što ćete praštati onima koje volite.

Pripremila sestra Adela

Ebu Hurejre, radijallahu anhu, prenosi da je Allahov Poslanik, sallallahu alejhi ve sellem, rekao: "Primate moju oporuku da ženama činite dobro! Zaista je žena stvorena od rebra a najveća krivina rebra je baš njegov najviši dio; pa ako ga pokušaš ispraviti, slomit ćeš ga, a ako ga ostaviš, osta krivo. Zato jedni drugima preporučujte da ženama dobro čine!"
(Muttefekun alejhi)

Potvora i skrnavljenje časti muslimana I dio

Sva hvala i zahvala pripada Allahu i neka je salavat i selam na posljednjeg Allahovog poslanika i Njegovog miljenika, Muhammeda, njegovu porodicu i ashabe, i one koji ih slijede dobra djela čineći sve do Sudnjeg dana.

Čast muslimana je sveta. Svetija je od Ka'be. Igranje s čašću muslimana za sobom povlači mnoge negativnosti, a između ostalog i šeri'atsku kaznu. Podsjetimo se na Allahov govor i govor Njegovog Poslanika, sallallahu 'alejhi we sellem, koji su i više nego upozoravajući.

Kaže Allah te'ala:

„A oni koji vjernike i vjernice vrijeđaju, a oni to ne zaslužuju, tovare na sebe klevetu i pravi grijeh.“ (El-Ahzab, 58)

Ovaj se ajet jasno obraća i odnosi svojom prijetnjom na one koji skrnave čast muslimana nepravедно I prelazeći pri tome granice. To jeste da im pripišu ono od čega su oni čisti, niti znaju nešto o tome niti su to učinili. Oni tovare na sebe klevetu i pravi grijeh. Taj veliki grijeh je da prenosi i priča ili prenosi o vje nicima i vjernicama ono što nisu učinili, i to na način omalovažavanja i pripisivanja negativnosti, iz za isti, ljubomore ili mržnje. Kao što je to rekao Ibn Kesir u svom Tefsiru.

„Oni koji obijede čestite, bezazlene vjernice, neka budu prokleti i na ovom i na onom svijetu; njih čeka patnja nenasnosna“ (En-Nur, 23)

Ibn Džerir kaže: „Ovaj ajet je objavljen u pogledu Aiše, ali se njegov propis odnosi općenito na svakoga ko se okarakterise ovim svojstvom kojim ga je Allah subhanehu ve te'ala opisao.“

Ovo smo rekli jer je najpreče da se na ovaj način protumači i jer je Allah subhanehu ve te'ala općenito obuhvatio ovim ajetom: „**Oni koji obijede čestite, bezazlene vjernice**“. Dakle, svaku čestitu, bezazlenu vjernicu ako optuži neko sa bludom. Ali ovim nije izuzeo određene osobe mimo ostalih. Svako onaj ko optuži čestitu ženu na način kako je to opisao Allah subhanehu ve te'ala u ovom ajetu on je proklet na ovom i onom svijetu i zaslužuje nenasnosnu patnju. Osim ako se ne pokaje za ovaj grijeh prije svoje smrti. Jer ga je i Allah izuzeo riječima: „**Osim onih koji se nakon toga pokaju i budu dobra djela činili.**“

Dakle, na osnovu ovoga ovo je propis koji se odnosi na svakoga ko potvori bezazlenu vjernicu ovakvom potvorom. I na osnovu toga riječi Uzvišenog: „**neka budu prokleti na ovom i na onom svijetu; njih čeka patnja nenasnosna.**“ Znači da ako umru a ne pokaju se od takvog postupka.

Ebu Davud u svom Sunnenu i Ahmed u svom Musnedu sa lancem od Seida b. Zejda od Allahovog Poslanika salallahu te'ala alejhi ve selem bilježe predaju da je rekao: „**Od najveće kamate je da neko skrnavi čast muslimana bez ikakvog prava.**“

Zabrana u ovom hadisu se odnosi na puštanje jezika da skrnavi čast muslimana, time što će ga omalovažavati i uzdizati se iznad njega, ili da ga vrijeđa potvorom, ogovaranjem ili psovanjem.

Ovo je gora zabrana od kamate u imecima jer je čast nešto mnogo vrijednije od imetka, kao što je to rekao Ebu Tajjib El Azim Abadi u djelu Avnul Meabud:

„Pošto je potvora najgori grijeh i najviše može da nanese štete potvorenom, Kur'anska opomena je došla u veoma strogom obliku popratno sa onim što će odvratiti počinioca ako to učini sa kaznom koju će zaslužiti.“

Kaže Allah, tebareke we te'ala:

„One koji okrive poštene žene, a ne dokažu to s četiri svjedoka, sa osamdeset udara biča izbičujete i nikada više svjedočenje njihovo ne primajte; to su nečasni ljudi.“

(En-Nur, 4)

Hafiz Ibn Kesir rahimehullah kaže: *U ovom ajetu se nalazi propis bičevanja onoga ko potvori kreposnu nedužnu ženu. A ona je slobodna, punoljetna i čedna.*

Također Allah je propisao tri propisa onome ko potvori nekoga ako nema dokaza za svoju tvrdnju a to su:

Jedan: Da bude izbičevan sa osamdeset udaraca.

Drugi: Njegovo svjedočenje se odbacuje zauvijek.

Treći: On se smatra grijешnikom a ne pravednim niti kod Allaha niti kod ljudi.

Potvora koja povlači sankcije šerijatski određene kazne je potvora bludom ili homoseksualizmom ili ono što liči na ova dva čina kao što je potvrnanje u porijeklo ili potvora na direktan način majke po ispravnijem stavu učenjaka.

Potvora ljudi indirektno ili direktno za velike grijehe povlači za sobom obavezu na pokajanje ili traženja oprosta od onoga kome se nepravda učinila prije nego li dođe dan kada neće koristiti imetak niti djeca osim onome ko dođe pred Allaha sa čistim srcem.

Bojmo se Allaha, subhanehu we te'ala, u pogledu časti muslimana i muslimanki. Nakon spoznaje tewhida, za muslimane nema šta preče od čuvanja časti muslimana. U vremenu kada su muslimani napadani sa svih strana potvorama za haridžluk, novotarstvo i pretjerivanje, ne smijemo dopustiti da se muslimani međusobno potvaraju i skrnave čast jedni drugima. Bojmo se Allaha sestre da ne dođemo na Sudnji dan i stanemo pred Allaha subhaneh sa ovim teškim grijehom, jer je prema riječima Poslanika, sallallahu 'alejhi we sellem, to jedan od sedam velikih upropaštavajućih grijeha.

Bojmo se Allaha subhaneh i ne prenosimo govore koji će stvarati smutnju u muslimanskim redovima, ne ogovarajmo, ne jedimo meso jedni drugih. Ostavimo se džahilijeta u kojem smo odrastali i odgojimo se onako kako Allah subhaneh od nas traži i zahtijeva.

Bojmo se Allaha subhaneh da ne izgovorimo samo jednu riječ zbog koje ćemo biti strmoglavljeni u džehennem. SubhanAllah! Zar i nakon svih iskušenja koje su muslimani u proteklom vremenu preživjeli i koje proživljavaju svakodnevno treba da stvaramo razdor u našim ionako malobrojnim redovima. Šejtanovo radno vrijeme je 24 sata na dan. On ne spava, čak i kad mi spavamo on kuje planove kako muwehhide da odvrati od pravog puta, a to mu najlakše ide kad uspije da rasturi džemat, jer sam musliman je poput ovce otrgnute od stada, vuku je lahak plijen.

Pripremila Ummu Mudžahid

"Gospodar je tvoj pčelu nadahnio"

"Gospodar je tvoj pčelu nadahnio: 'Pravi sebi kuće u brdima i u onome što naprave ljudi,' zatim, hrani se svakovrsnim plodovima, pa onda idi stazama Gospodara svoga, poslušno!' Iz utroba njiovih izlazi piće različitih boja koje je lijek ljudima. To je, uistinu, dokaz za ljude koji razmišljaju." (An-Nahl, 68-69)



Ono što se željelo pojmom vahj – doslovno: objava, ovdje jeste – nadahnuće, uputa i putokaz pčeli da pravi sebi u brdima kuće, u kojima se ona sklanja i nastanjuje, u dubovima drveća, a i u onome što ljudi grade pčelinje su kuće vrlo precizno i temeljito urađene u pogledu slaganja, raspoređivanja i nizanja, tako da između njih nema nikakve greške i praznine.

Zatim joj je Uzvišeni Allah, dozvolio – sudbinski je potčinivši, da jede sve vrste plodova i da slijedi puteve koje joj je Allah, subhanehu ve te ala, odredio i olakšao da ide gdje god želi, u zrak, pustoši, doline i brda, a zatim se vraća u svoju kuću u koju nikada ne zaluta, bilo desno ili lijevo da se nalazila, te pravi vosak iz svojih krila a med iz svojih usta, zatim leže larve sa svoje zadnje strane, pa opet tako rano ujutro odlazi na svoje pašnjake.

U hadisu kojeg prenosi Katade u dva Sahiha, od Ebu Seida el Hudrija, radijallahu anhu, stoji: ***"Došao neki čovjek Poslaniku, sallallahu alejhi ve sellem, pa mu reče: 'Allahov Poslaniče, moj brat ima nesnosne bolove u stomaku i ima proljev.' A Poslanik reče: 'Daj mu neka se napije meda.' Ovaj je otišao, dao bratu meda, a zatim ponovo dođe Poslaniku i reče: 'Allahov Poslaniče, dao sam mu meda, ali se proljev povećao.' A Poslanik opet reče: 'Idi i daj mu da se napije opet meda.' Ovaj je otišao i dao bratu ponovo meda, a zatim se vratio i opet reče: 'Allahov Poslaniče, on i dalje ima proljev.' A Poslanik mu reče: 'Allah je istinu rekao, a stomak tvog brata je slagao, idi i daj mu ponovo da se napije meda.' Otišao je i tako učinio i brat mu je ubrzo ozdravio."***

Neki stručnjaci medicine kažu da je ovaj čovjek imao u stomaku zarazne, pokvarene otpatke; kada se napio meda, koji je bio topao, isti su se rastvorili pa su lakše izlazili vani, što je uticalo na povećanje proljeva. Beduin je mislio da mu ovo šteti; međutim, to mu je koristilo, pa mu je ponovo dao meda, što je pojačalo razlaganje i rastvaranje i potaklo da se lakše oslobodi tegobe, te se ponovno napio meda, što mu je i pomoglo; a nakon što su se pokvareni i zarazni dijelovi odstranili iz ogranizma, njegov se stomak smirio, te se poboljšalo stanje varenja i njegovo stanje uopće. Time su, ustvari, vrlo brzo nestali bolovi i slabost uz blagoslov ovoga na što mu je Poslanik ukazao. Neka je njemu od njegovog Gospodara najbolji salavat i selam!

A Uzvišeni kaže: **"To je, uistinu, dokaz za ljude koji razmišljaju,"** tj. u tome što je Allah, subhanehu ve te ala, nadahnio ovo slabašno stvorenje – pčelicu, da slijedi ovaj zadatak i sakuplja sa svih vrsta plodova, zatim se sakupi to u vosak i med, a on je jedna od najljepših stvari, u tome je znak i dokaz ljudima koji razmišljaju o veličini njenog Stvoritelja, Onog Koji ju je potčinio. Iz toga se izvodi zaključak da je On Djelotvorni, Moćni, Mudri, Koji sve obuhvata Svojim znanjem, Plemeniti i Milostivi.

Ibn Kesir, Tefsir

Da li Ga zaista voliš i diš?

„Reci: klanjanje moje i obredi moji, i život moj, i smrti moja, doista su posvijećeni Allahu Gospodaru svih svjetova.....“

Allah je naš Gospodar! On je Jedini, nema Mu ravnog! Od Njega su nam sve blagodati! On je onaj koji jedino zaslućuje da bude Oboćavan i On jedino zaslućuje da bude bezuslovno voljen!

Draga sestro, svjedoci smo da danas žene jeste orućje od koga nastaju mnoga zla u svijetu. Ona je potrošna roba, jeftina i ništavna stvar, njeno dostojanstvo, ugled i ćast su ponišćeni.

A šta je sa ženom muslimankom? Ona je kao i nekad zadržala svoju vrijednost. Ona je ta koja se svojom vjerom u Allaha i iskrenom ljubavlju prema Njemu bori protiv svega što joj stane na putu njenom uspjehu, a njen uspjeh je Njegovo zadovoljstvo! Ona je ta koja svoj život uskladila sa Allahovom vjerom koja je ćista od svega rućnog.

Sve što je lijepo loše iz mrćnje, nekada i zbog dobro procijenjene mora nastojati da ponašanje sve onome što će je zadovoljstva!



Počnimo od razgovor sa Njim! sa Allahom? Taj

proizilazi iz ljubavi, a nemara ili neopreznosti, neznanja ili nedovoljno situacije! Muslimanka svoje misli, djela, usmjeri ka Uzvišenom i dovesti do Njegovog

smiren, misli nam moraju biti usmjerene Njemu i Njegovoj moći. Često razgovaramo sa prijateljicama, roditeljima, govorimo im o problemima, savjetujemo se s njima, a rijetko stanemo pred Allahom i izjadamo mu se, mi dovimo, ali odsutni smo u dovi, izgovaramo rijeći koje su samo forma. Nema onog snaćnog utiska, one iskrene suze koja potkrijepi naš govor i naše misli. Koliko često plaćemo zbog dunjalućkih problema, iskućjenja, a rijetko pustimo suzu rad Allaha, rijetko pustimo onu dragocjenu suzu koja će na Sudnjem danu gasiti dćehennem. Rijetko, a to nama koristi, samo nama....

namaza. Namaz je Kako to razgovaramo razgovor mora biti

Postimo, a naš post, subhanAllah da li naš jezik posti? Posti nam tijelo, usta ne jedu niti piju, tijelo se usteglo od onoga što ne smije u postu, a jezik? Šta je s njim? On se zaboravio usteć od gibeta, rućnog govora... subhanAllah pa šta imamo od posta, samo glad i ćeć!

Ebu Hurejre, radiAllahu anhu, prenosi da je Poslanik, sallallahu alejhi ve sellem, rekao: "Mnogo je onih koji poste a od svog posta nemaju ništa osim gladovanja. Mnogo je onih koji klanjaju noćni namaz (teraviju) a od svog namaza nemaju ništa osim toga što su ostali budni." (Prenose Ibn Madće, En-Nisa'i, Ibn Huzejme i El-Hakim)



Naša sadaka, djelimo elhamdulillah, ali svoju nagradu umanjimo spominjući ljudima da smo tad i tad dali toliko, da smo tom i tom bratu udijelili to i to. Ljudi će nas hvaliti, ali šta će Allah reći nama kada dođemo s takvom sadakom?!

Naša braća, sestre.... Mi im želimo dobro, ali ne možemo što nećemo malo zavirit u njihove živote. Zabavit se njihovim mukama, umjesto da gledamo svoja iskušenja i svoje probleme. Ako nas brat

zamoli za savjet svi smo puni „pameti“ da mu kažemo tad si to i to uradio ti si pogriješio, osudimo ga a da ga dobro nismo ni saslušali. A gdje smo bili da ga spriječimo da ne uradi taj grijeh, a tu smo da mu prebacujemo! Zar smo mi bezgrešni?! Kaže Poslanik, alejhi selam: *"Kada sam bio na Mi'radžu, prošao sam pored skupine ljudi koji su imali bakrene nokte kojima su trgali svoja lica i prsa."* *"Ko su ovi, Džibrile?"* - upitao sam ga, a on mi odgovori: *"To su oni što su klevetali ljude i kaljali njihovu čast."* (Ahmed, Ebu Davud)

A pošto ga ovako lijepo posavjetujemo onda moramo razmotrit njegovu situaciju pred ostalom braćom, upozoravamo ga i ogovaramo pred drugima, on nam se povjerio i zatražio savjet a mi iznosimo njegovu tajnu a usput spomenemo još neku njegovu mahanu koju znamo i tako ga lijepo ogibetimo ili osramotimo, iznesemo njegovu tajnu....a on nas smatrao prijateljem, rekao nam u povjerenju, a mi.... ja Rabb!!!


Divan li je primjer govor šejhul-islama Ibn Tejmijje,rahimehullah,: *"Ima ljudi koji se bave gibetom i ogovaranjem kako bi ugodio svojim sjeldžijama, drugovima ili rodbini, i pored toga što vrlo dobro zna da je osoba koja se ogovara čista od onoga što se o njoj priča, ili je pri njoj samo dio onoga što se priča, ali, smatra da će se raspustiti sjelo, ili će se steći loš dojam o njemu ako im bude negirao takvo postupanje, ili da će ga napustiti; na ugađanje njima gleda kao na lijep suživot i druženje.*

Nekada se naljute na nekoga, pa se i on isto tako naljuti na njega – zbog njih!? Neko se profesionalizirao u gibetu i ogovaranju ljudi, i to na raznorazne načine. Nekada se to zaodjene vjerom i dobrom, govoreći: Nemam običaj da govorim o drugima osim po hajru, i ne volim ogovaranje i laži, ali vas želim samo obavijestiti o nekim njegovim postupcima, pa kaže: Tako mi Allaha, ta osoba je miskin, ili: ta osoba je dobra, samo da nije toga i toga. Možda će reći: Prođite nas se od njega, Allah da oprost i nama i njemu – imajući za cilj ponižavanje date osobe, probavljajući ga (svojim želucima)!...

Gibete i ogovaraju ljude pod plaštom vjere i dobra – misleći da će tako prevariti Allaha, kao što time varaju ljude. Naišli smo na veliki broj ovakvih, i njima sličnih, ljudi! Neko od njih licemjerno spominje drugog, kako bi time uzdigao sebe, pa kaže: Kako ne proučih jučer u namazu dovu protiv toga i toga, jer su mi stigle svakakve informacije od njega, kako bi time uzdigao sebe, a oborio spomenutog u očima onih koji se za njime povode, ili će reći: Ta osoba je glupa, ništa ne razumije – htjevši time da pohvali sebe, i da drugima da do znanja kako je učen, te da je on bolji od njega!?

Pripremila Ummu Sejfullah

Spremamo li se za Ramazan?



Bliži nam se mubarek mjesec Ramazan. Dobra priprema je pola posla. Potrudimo se maksimalno da se pripremimo za ovaj mjesec da nas ne bi preduhitila brzina vremena sa kojom on dođe i prođe. Pripremimo se da ne bi ostali zatečeni neiskorištenim vremenom - a toliko smo se nadali i htjeli: zvuk Qur'ana, slast namaza, jačina zikra, čvrstina pokajanja i poseban miris Ramazana.

U ovom mjesecu se naša djela umnogostručavaju. Zato krenimo na vrijeme sa našim pripremama za ovaj mjesec milosti. U hadisu Poslanika, sallallahu a'lejhi ve selleme, stoji da je rekao: **"Došao vam je vaš mjesec zakletvom Allahovog Poslanika, ne dođe bolji mjesec muslimanima od ovoga mjeseca, niti dođe gori (lošiji) mjesec po munafike (licemjere) gori od njega. Doista Allah piše njegove sevabe i njegove nagrade prije nego i nastupi, a piše njegove grijehove (griehove) prije nego i nastupi, stoga što vjernik priprema svoj imetak u njemu za snagu obavljanja ibadeta, dok munafik u njemu se priprema za ogovaranje vjernika i traženje njihovih manjkavosti (nedostataka, grešaka), pa je on (ramazan) dobitak za vjernike a šteta (propast) za pokvarenjake"**. (Bilježi ga Ahmed i El-Bejheki od Ebu Hurejre)

Nekoliko načina koji nam mogu pomoći u našem spremanja za Ramazan:

1. Dova Allahu, Subhanehu ve Te'ala, da Ramazan dočekamo zdravi i jaki u našoj vjeri kako bi bili što bolji, što jači vjernici tokom ovog mjeseca milosti. Priča Enes, radijellahu anhu: Allahov Poslanik, sallallahu alejhi ve sellem, bi kada nastupi mjesec Redžep govorio: **"Allahu naš, daj nam bereketa u Redžepu i Šabanu, i daj da dočekamo Ramazan."** (Ahmed i Taberani)

2. Planiranjem unaprijed kako da provedemo Ramazan gdje će najviše biti mjesta za ibadete a najmanje za besposlice. Planirajmo da što više:

- proučimo Kur'ana,
- klanjamo nafilu namaza pored obaveznih,
- zikrimo
- dovimo
- udjeljujemo sadaqu
- kajemo se Allahu i zahvaljujemo Mu na svim blagodatima
- čitamo islamsku literaturu.

3. Doček Ramazan sa pokajanjem od naših grijeha i sa čvrstom odlukom da se nikada više na vratimo na njih. **"I pokajte se Allahu svi vi, o vjernici, kako bi uspjeli."** (Prevod značenja sure En Nur, 31)

4. Čišćenjem naše duše i osvježavanjem našeg znanja o pitanjima Ramazana razumjevanjem ramazanskih propisa.

5. Doček Ramazan sa novom stranicom u našem životu: sa tewbom, sa čvrstim slijedenjem sunneta Poslanika, sallallahu alejhi ve sellem, sa dobročinstvom prema našim roditeljima i porodici, miskinima i siromašnima te sa jačanjem naše veze sa braćom i sestrama u islamu.

Pozivam te Allahova robinjo u islamu

Šta ti je što si tako tužna, što ti srce tako vene.

Zar nisi čula za Allaha, zar nisi pogledala u mene. U moju nošnju u moje srce skrušeno koje Allahu na sedždu pada, zar nisi robinjo shvatila da nema čekanja i nema gdje i kada.

Pozivam te Allahova robinjo, primi islam, nema čekanja nema vremena, zašto na svoja leđa tovariš sve više grešnih bremena.

Allah je Taj koji sudi, Allah je Taj koga on hoće uputi, dovi Allahu da te uputi, jer samo je On Taj koji nagrađuje, kažnjava i koji sudi.

Pripremila Ummu Muhammed



Riječi tewhida

Postoje riječi tako vrijedne, bitnije insanu od njegova vida, najljepše koje si ikada čuo a to su, znaj, riječi tewhida.

**"La ilahe illa Allah",
One su ključ uspjeha,
To su riječi najljepše,
i najljepšeg značenja.**

**Da ne vjeruješ u sve tagute,
da beraet od njih učiniš,
da Allahu jedinom
sav ibadet usmjeriš.**

**Zbog ovih su riječi, znaj
stvoreni džinni i ljudi,
Zato ih se pridržavaj,
i ponosan na njih budi.**

**One su ti vrijednije,
neg' dunjalučka blaga sva,
one su staza tvoja
do velikog uspjeha.**

**Zahvalan na tome budi,
i nemoj se oholiti,
jer Onaj što ti islam daje,
Može ti ga i uzeti.**

**Eto, to su riječi te,
zbilja riječi najljepše,
"La ilahe illa Allah"
Nikad ih ne napuštaj.**

Pripremila Ummu Merdžaan

O SRCE TVRDO

O srce tvrdo, o oči slijepe,
vidte li ove balgodati lijepe.

Allah ti je dao, nezahvalan ti si, misliš zaslužio si,
e vAllahi nisi.

Pa šta misliš, i čemu da se nadaš, kad u živo blato ti
svjesno upadaš.

Dunjaluk te zaslijepio, srce ti se zaledilo.

Šejtanu si srce dao, rećićeš za istinu: "Nisam znao."

Probudi svoje srce, otvori svoje oči, ustani i klanjaj u
sred noći.

O srce tvrdo omekšaj, dok kasno ne bude,

bježi iz svog sna, bježi iz svoje zablude.

Pripremila Ummu Muhammed

Kljukuša ili kvrguša



Potrebno:

- 500 gr do 1000 gr pileline
- 2 jaja
- 250 gr brašna
- 500 ml mlijeka
- 2 kašice crvene paprike (u prahu, po želji)
- so
- ulje
- vrhnje za kuhanje ili slatko vrhnje

Očistiti piletinu, iskomadati, ako su deblji komadi zarezati ih na više mjesta da bi se mogli lakše ispeći. U vunglu staviti piletinu, posoliti, pouljiti, dodati crvenu papriku, ako želite možete i dodati pola kašice vegete, sve dobro pomješati. U drugu plastiku dobro umutiti mikserom jaja, brašno, mlijeko, malo posoliti i tu možete dodati 1 kašicu crvene paprike. Tjesto treba da je rijetko kao za palčinke.

U odgovarajuću tepsiju uliti 2 kašike ulja i zagrijati u rerni, pazite da ulje ne počne goriti, zatim ugrijano ulje brzim naginjanjem tepsije rasporediti po tepsiji i uliti tjesto, poredati piletinu i staviti da se peče, pečeno je kada je sve dobro zarumenilo. Pečenu kljukušu zaliti vrhnjem.


Odgovarajuća tepsija bi bila dublja tepsija, jer ovo tjesto dosta naraste, a kada se zalije vrhnjem ono se spusti.

Pripremila Ummu Muhammed

Posjetite stranice

Islamska stranica na slovenskom jeziku

www.islam.si



ISLAM.SI

»Za Allaha je islam edina prava vera.«

Sreda, 5 Jamadil Awal 1433 H
28. Marec 2012

Islam pomeni častiti edino Allaha (brez primesi mnogoboštva)

Domov Download Članki Video Kdo smo? Kontakt

ISLAM POST - RAMADAN KUR'AN MUSLIMANKA

Beseda islam izvira iz besede "esleme", ki pomeni "predanost" oz. "predati se".

»O verniki! Predpisuje vam se post, kot je predpisan onim pred vami, da bi bili bogoboječni.« (Beqara, 183)

„Recitirajte Kur'an, ker on bo na Sodnem dne bil zagovornik svojemu recitatorju.“

Hidžab je ščit, ki čuva čast, ter odklanja katerekoli vzroke, kateri vodijo do suma in nereda.

ISLAMSKESKEMEME

Pozor, mediji vam lažejo!

Prispeval Administrator Petek, 16. Marec 2012 14:11

Všeč mi je 5 Pošlji

Nedavno so mediji prenašali zgodbo o psihopatu, ki je doživel živčni zlom in pobil 16 ljudi, med njimi večina žensk in otrok.

Facebook SHARE


Share on facebook

Vind ik leuk 126 vindt leuk. Registreren om te zien wat je vrienden leuk vinden.



Islamska stranica na makedonskom jeziku

www.monoteizam.com



Монотеизам

Он е Аллах - Един!

НАСЛОВНА АКИДА ФИКХ АСХАБИ ФЕТВИ ЗА СЕСТРИ ДА'ВА МЕНХЕЦ ЗА НАС ВИДЕОТЕКА DOWNLOAD ФОРУМ КОНТАКТ

ВИЕ СТЕ ТУКА: HOME

Четири работи за кои има општа забрана ...

Шејхул ислам Ибн Тејмије рахимехуллах, кажува:

Верска забрана за правeње зло и неправда на верски објекти!!!

Муслиман - Брат на муслиманот...

Стрпливост - сабр во потешкотии и страствени предизвици!!!

Темели на неверство...

Насихат од шејх Мухамед бин АбдулВеххаб, рахимехуллах.

Аргументи од суфиската 'Улема' - Измислени, апокрифни хадиси.

Доволен ни е Аллах како Заштитник!

Шејх Мухамед ибн Абдул Веххаб во 'Китабу Тевхид' - Книга на Тевхид.

ВИДЕО СЛИКИ ФОРУМ АНКЕТА

последни НАЛИЧАНИ

Вие сте малкумина?! 02.03.12

Најсветлата работа кај еден Мувехид - Неговата чест. 17.02.12


Четири работи за кои има општа забрана ... 09.02.12

Верска забрана за правeње зло и неправда на верски објекти!!! 31.01.12

Муслиман - Брат на муслиманот... 29.01.12

Islamska stranica na albanskom jeziku

www.thirrja-ne-teuhid.com



الدعوة إلى التوحيد

Thirrja Në Teuhid

HOME AKTUALE VIDEO AUDIO LIDHJET (LINKS) NA KONTAKTONE KËRKO (SEARCH) FORUM ARTIKULLI I JAVES

Kjo është Feja Jone

Mga: Sheikh Abdul-Hakem El-Kahlani

SHKARKIM KJO ESHTË...

THIRRJA JONË

Thotë Allahu i Madhëruar:

قُلْ هَذِهِ سَبِيلِي أَدْعُو إِلَى اللَّهِ عَلَى تَصَرُّفٍ أَنَا وَتَمَنِ الْبَغْيِ وَسُبْحَانَ اللَّهِ وَمَا أَنَا مِنَ الْمُشْرِكِينَ

"Thirrja: "Kjo është Udhë imë; unë ja tregoj drejt Allahut (Nësismit të Tij) me dije të saktë, unë dhe kushdo që më ndjek mua (duhet të fligje në Islam). Lavdi i qortë Allahut dhe unë nuk jam prej meshtrikëve (politestë, pagane, idhujtare ose çdo fe tjetër që mohon Njësinë e Allahut ose adhuron të qortë përveç Allahut)." (Jusuf 12:108)

MAIN MENU

Home

Aktuale

Video

Audio


Lidhjet (Links)

Na kontaktoni

Kërko (Search)

Forum

Sljedeći broj je inšaAllahu te'ala
Ramazanksi broj sa puno tekstova o ovom
mubarek mjesecu



On vam je Zemlju
pogodnom učinio, pa
hodajte predjelima
njezinim i hranite se
onim što On daje,
Njemu ćete poslije
oživljenja odgovarati.

El-Mulk 14